



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU **NOVI POKRET BOSNE I HERCEGOVINE**

Broj: 03-07-6-518/16  
Sarajevo, 03.07. 2017. godine

## S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1 NALAZI.....	5
5.2. PREPORUKE.....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Novog pokreta Bosne i Hercegovine za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2015. godinu, utvrđeno je da je Novi pokret Bosne i Hercegovine prekršio odredbe člana 11. i člana 12. Zakona o finansiranju političkih stranaka.**

**Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Novog pokreta Bosne i Hercegovine za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Novi pokret Bosne i Hercegovine se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	160,00	3,38
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	4.569,46	96,62
8.	Prihodi od propagande ( 3-g )	0,00	0,00
9.	Ostali prihodi	0,00	0,00
<b>I</b>	<b>Ukupni prihodi (1-9)</b>	<b>4.729,46</b>	<b>100,00</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00</b>
	<b>Izvori finansiranja (I+II)</b>	<b>4.729,46</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 5.077,07 KM.

## 2. PREDSTAVLJANJE POLITIČKE STRANKE

Naziv političkog subjekta: Novi pokret Bosne i Hercegovine. Skraćeni naziv: Novi pokret BiH.

Novi pokret Bosne i Hercegovine je registrovan kod Općinskog suda u Sarajevu rješenjem broj : 065-0-F1-12-000011 od 25.04.2012. godine, sa sjedištem u Sarajevu, ulica Tvornička 3, Ilidža - Sarajevo.

Lice ovlašteno za zastupanje stranke u 2015. godini je Enes Zeković, predsjednik stranke i Najim Nalić, predsjednik SK ROS-a.

Lice ovlašteno za podnošenje finansijskih izvještaja za 2015. godinu je Fahrija Nalić.

Prema podacima iz godišnjeg finansijskog izvještaja za 2015. godinu, Novi pokret Bosne i Hercegovine ima sljedeće organizacione dijelove:

- 4 kantonalna odbora.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Novog pokreta Bosne i Hercegovine za 2015. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Novog pokreta Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila pregled i reviziju godišnjih finansijskih izvještaja Novog pokreta Bosne i Hercegovine u periodu od 2012. do 2014. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Služba za reviziju izvršila je pregled godišnjeg finansijskog izvještaja Novog pokreta Bosne i Hercegovine za 2014. godinu, nakon čega je izdat izvještaj o pregledu sa mišljenjem revizora, nalazima i preporukama stranci da primljene donacije polaže na transakcijski račun u zakonom predviđenom roku od 10 dana, da vodi poslovne knjige u skladu sa računovodstvenim propisima, odnosno da vodi potpune i tačne evidencije o svojim prihodima i rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka, da dostavlja dodatnu dokumentaciju po zahtjevu Centralne izborne komisije BiH i da finansijske izvještaje podnosi u rokovima propisanim Zakonom o finansiranju političkih stranaka i članom 15.1 stav (1) Izbornog zakona Bosne i Hercegovine.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Novi pokret Bosne i Hercegovine nije ispoštovao preporuke revizije.

#### **5. NALAZI I PREPORUKE REVIZIJE**

##### **5.1 NALAZI**

**Novi pokret Bosne i Hercegovine prekršio je odredbe člana 11. i člana 12. Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja za 2015. godinu, utvrđeno je da Novi pokret Bosne i Hercegovine nije vodio pravilne evidencije o rashodima i nije popunio obrasce godišnjeg finansijskog izvještaja u skladu odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime je prekršio odredbe člana 11. i člana 12. stav (1) i stav (3) Zakona o finansiranju političkih stranaka

- (1) Uvidom u račune za električnu energiju i telefonske usluge, utvrđeno je da je stranka u poslovnim knjigama troškove nastale u 2014. godini evidentirala kao troškove tekućeg perioda, što je suprotno računovodstvenim propisima.
- (2) Kontrolom obrasca 3 (Izvori finansiranja) godišnjeg finansijskog izvještaja utvrđeno je da stranka nije iskazala prihode od otpisanih obaveza u iznosu od 58,50 KM, te su time ukupni prihodi stranke iskazani u manjem iznosu, odnosno obrasci 3 i 3-e nisu popunjeni u skladu sa članom 13. i 18. Pravilnika.
- (3) Novi pokret Bosne i Hercegovine nije u obrascu 5 (obaveze po kreditima i pozajmicama) godišnjeg finansijskog izvještaja iskazao obaveze prema fizičkim licima po osnovu pozajmica u iznosu od 36.771,00 KM, čime je prekršio odredbe člana 24. Pravilnika.

## 5.2. PREPORUKE

*Preporučuje se Novom pokretu Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da poslovne knjige vodi u skladu sa računovodstvenim propisima, odnosno da vodi potpune evidencije o svojim rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

Politička stranka Novi pokret Bosne i Hercegovine dostavila je dokaz o uplati sredstava prema JU „Centar za kulturu“ Goražde u iznosu od 58,50 KM, čime je postupila u skladu sa odredbama člana 8. stav (1) Zakona o finansiranju političkih stranaka, što je Služba za reviziju uvažila i u tom dijelu promijenila nalaze.

Šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić